



O‘ZBEKISTON RESPUBLIKASI
OLIY TA’LIM, FAN VA INNOVATSIYALAR VAZIRINING
BUYRUG‘I

2023 - yil « 9 » iyun 259 -son

Toshkent shahri

**Oliy ta’limning me’yoriy-
uslubiy hujjatlarini ishlab
chiqish jarayonini
takomillashtirish to’g’risida**

O‘zbekiston Respublikasi Prezidentining “Yangi O‘zbekiston ma’muriy islohotlarini amalga oshirish chora-tadbirlari to’g’risida” 2022-yil 21-dekabrda PF-269-son va “Respublika ijro etuvchi hokimiyat organlari faoliyatini samarali yo‘lga qo‘yishga doir birinchi navbatdagi tashkiliy chora-tadbirlar to’g’risida” 2023-yil 25-yanvardagi PF-14-sonli farmonlaridan kelib chiqadigan vazifalarni bajarish, O‘zbekiston Respublikasi “Ta’lim to’g’risida” Qonuniga muvofiq oliy ta’limning me’yoriy-uslubiy va normativ-huquqiy bazasini takomillashtirish maqsadida

BUYURAMAN:

1. Akademik, tashkiliy-boshqaruv va moliyaviy mustaqillik sharoitida oliy ta’limning me’yoriy-uslubiy hujjatlarini ishlab chiqish, tasdiqlash va ta’lim jarayoniga tatbiq etish tizimini takomillashtirish, kredit-modul tizimi asosida tashkil qilingan ta’lim jarayoni sifatini oshirish maqsadida oliy ta’lim sohalari bo’yicha muvofiqlashtiruvchi soha kengashlarini tashkil qilish to’g’risida oliy ta’lim muassasalarining taklifi ma’qullansin.

2. Ta’lim sohalari bo’yicha muvofiqlashtiruvchi soha kengashlariga kiruvchi oliy ta’lim muassasalari ro‘yxati 1-ilovaga muvofiq;

Ta’lim sohalari bo’yicha muvofiqlashtiruvchi soha kengashlari to’g’risida namunaviy nizom (keyingi o‘rinlarda – Nizom) 2-ilovaga muvofiq tasdiqlansin.

3. Ushbu buyruqning 1-ilovasiga muvofiq yetakchi oliy ta’lim muassasalari rektorlari:

bir hafta muddatda tegishli ta’lim yo‘nalishlari va mutaxassisliklari bo’yicha belgilangan tartibda Ta’lim sohalari bo’yicha muvofiqlashtiruvchi soha kengashini (keyingi o‘rinlarda – Muvofiqlashtiruvchi soha kengashi) tashkil qilsin;

ikki hafta muddatda Muvofiqlashtiruvchi soha kengashlari to'g'risida namunaviy nizom asosida oliy ta'lim muassasasi huzuridagi Muvofiqlashtiruvchi soha kengashining nizomi, ish tartibi va reglamentini ishlab chiqib belgilangan tartibda tasdiqlanishini ta'minlasin;

2023/2024 o'quv yili boshlanguniga qadar ta'lim jarayonining me'yoriy-uslubiy hujjatlarini ishlab chiqish tizimini yanada takomillashtirish, o'quv mashg'ulotlari talab etiladigan kasbiy kompetensiyalar bilan uzviy bog'langan holda har bir ta'lim yo'nalishi va mutaxassisligi bo'yicha yagona mukammal o'quv rejalar asosida joriy etilishi, talabalar tomonidan bilim, ko'nikma va malakalarni samarali o'zlashtirilishi hamda akademik mobillikni yuqori darajada ta'minlash maqsadida Nizom asosida muvofiqlashtiruvchi soha kengashlari faoliyati hamda me'yoriy-uslubiy hujjatlarni xalqaro tajribalar asosida tahlil qilish, qayta ishlab chiqish va tasdiqlash jarayonini tizimli yo'lga qo'yishni qat'iy ta'minlasin.

4. Ta'lim muassasalari faoliyatini tashkil etish, litsenziyalash, ta'lim sifatini ta'minlash departamenti (A.Xolikov), Oliy ta'limni rivojlantirish tadqiqotlari va ilg'or texnologiyalarni tatbiq etish markazi (Sh.Yakubov), yetakchi oliy ta'lim muassasalari rektorlari va ular huzuridagi muvofiqlashtiruvchi soha kengashlari:

ushbu buyruqdan kelib chiqadigan qo'shimcha va o'zgartirishlarni "Oliy ta'lim davlat ta'lim standartlari. Asosiy qoidalar"ga belgilangan tartibda kiritishni;

me'yoriy-uslubiy hujjatlarni ishlab chiqish, belgilangan tartibda tasdiqlash va 2023/2024 o'quv yilidan boshlab ta'lim jarayoniga tatbiq etishni 3-ilovaga muvofiq taqvim rejaga qat'iy amal qilgan holda ta'minlasin.

5. Belgilansinki:

O'zbekiston Respublikasi Oliy ta'lim, fan va innovatsiyalar vazirligi huzuridagi Oliy ta'limni rivojlantirish tadqiqotlari va ilg'or texnologiyalarni tatbiq etish markazi Muvofiqlashtiruvchi soha kengashlarining konsultativ-uslubiy ishchi organi hisoblanadi;

2023/2024 o'quv yilidan boshlab o'quv rejalarining majburiy fanlar qismiga "Dinshunoslik" fani mustaqil tarzda kiritiladi.

6. O'zbekiston milliy universiteti rektori (I.Madjidov):

"Falsafa" fani tarkibidagi "Dinshunoslik" fanining mavzular majmuasi (moduli) asosida ushbu fanni mustaqil o'quv dasturini "O'zbekistonning eng yangi tarixi" va "Falsafa" fanlari bilan teng hajmda ishlab chiqilishini;

"Falsafa" fani tarkibidan "Dinshunoslik" mavzular majmuasi (moduli)ni olib tashlab, "Korrupsiyaga qarshi kurash" mavzular majmuasi (moduli)ni ushbu fan tarkibida saqlab qolgan holda "Falsafa" fanining o'quv dasturini amaldagi hajmda qaytadan ishlab chiqilishini ta'minlasin;

7. Oliy ta'limni rivojlantirish tadqiqotlari va ilg'or texnologiyalarni tatbiq etish markazi (Sh.Yakubov) oliy ta'lim muassasalari bilan birgalikda:

uch oy muddatda O'zbekiston Respublikasi Vazirlar Mahkamasining "Oliy ta'lim muassasalarida ta'lim jarayonini tashkil etish bilan bog'liq tizimni takomillashtirish chora-tadbirlari to'g'risida" 2020-yil 31-dekabrda 824-son qarori bilan tasdiqlangan "Oliy ta'lim muassasalarida o'quv jarayoniga kredit-modul tizimini joriy etish tartibi to'g'risida nizom"ga muvofiq Oliy ta'lim fanlarining yagona katalogini (keyingi o'rinlarda – Fanlar katalogi) ishlab chiqish va uni amaliyotga tatbiq etishni;

Fanlar katalogiga kiritilgan majburiy va tanlov fanlarining kodlarini xalqaro standartlar tamoyillari asosida belgilash hamda oliy ta'lim muassasalari bilan birgalikda ularni tayyorlanayotgan o'quv reja va o'quv dasturlariga kiritilishini tizimli yo'lga qo'yish;

oliy ta'lim muassasalari tomonidan tayyorlangan o'quv rejalar, o'quv dastur (sillabus)lar oliy ta'limning davlat ta'lim standartlari, malaka talablari, ushbu buyruq talablariga muvofiqligi va sifat nuqtayi nazaridan muntazam nazorat va monitoring qilinishini;

2023/2024 o'quv yili boshlanguniga qadar me'yoriy-uslubiy hujjatlarni ishlab chiqish va tasdiqlash tartibi, muvofiqlashtiruvchi soha kengashlari faoliyati xususida oliy ta'lim muassasalari rahbarlari bilan birgalikda tajribali mutaxassislarni jalb etgan holda professor-o'qituvchilar uchun maqsadli seminar va treninglar o'tkazilishini;

2023/2024 o'quv yili davomida bitiruvchilarni o'zgaruvchan mehnat bozoriga moslashuvchanligini oshirish maqsadida ta'lim yo'nalishlari va mutaxassisliklarning ixtisosligi doirasida beriladigan kvalifikatsiyalarning yagona reestri shakllantirilishini;

oliy ta'lim muassasalari tomonidan me'yoriy-uslubiy hujjatlar ishlab chiqilishi jarayonida ularga yaqindan uslubiy yordam ko'rsatilishini;

belgilangan tartibda tasdiqlangan malaka talablari, o'quv rejalar va o'quv dasturlarning nus'halarini Oliy ta'limni rivojlantirish tadqiqotlari va ilg'or texnologiyalarni tatbiq etish markazida saqlanishini;

me'yoriy-uslubiy hujjatlar tayyorlanishi yuzasidan 3-ildan muvofiq taqvim rejasi asosida izchil monitoring amalga oshirilishini ta'minlasin.

8. Mazkur buyruq ijrosi nazorati vazirning birinchi o'rinbosari K.Karimov zimmasiga yuklansin.

Vazir



I. Abduraxmonov

**NUSXA
ASLIGA TO'G'RI**